



園丁 ê 話: Lím Chùn-iök
TGB 網路 ê phoe
“Gí-giān, Gín-tōng kap Khi-sít-bìn”
(語言、認同與去殖民) 新書發表

國立成功大學台灣文學系近日出版一本以台語、華語 kap 英語三語著作之《語言、認同與去殖民》。該書定 1/13 舉行新書發表會。

該書收錄作者多年從事台語運動 kap 深入越南、韓國、日本、中國等從事田野調查後 tī 各研討會 kap 期刊所發表 ê 研究論文。該書以全球 ê 視野探討台灣、越南等漢字文化圈內 bat 讚為殖民地 ê 國家裡所出現 ê 語言 kap 國家認同混亂現象，並分析當權者如何利用漢字做為壟斷知識 kap 權力以維護其既得之利益。

作者「蔣爲文」是美國德州大學 Arlington 校區語言學博士，現為國立成功大學台灣文學系助理教授，也是目前國內唯一專精台語 kap 越南語比較研究之學者，專門研究漢字文化圈、台語運動、kap 台語及越語 ê 比較研究。著作有《海翁台語文集》(1996 台笠)、《台語書面語語言態度調查》(1999 碩士論文)、《台灣漢字 kap 越南羅馬字學習效率比較》(2003 博士論文)、《海洋台灣：歷史與語言》(越、英雙語版 2004 成功大學)。

作者 tī 大學時代就參與台語運動，做過淡江大學台語文社創社社長、學生台灣語文促進會創會幹部。留學美國期間，做過台灣同學會會長、全美台灣學生社委、北美洲台灣研究生會社委、德州大學 LINGUA 語言學會會長。活動網址 <http://ebook.de-han.org>

台灣鄉土長篇小說連載(27)

鄉史補記 陳雷

李算本 chhōa 賴蔥袋 tóng 去厝裡請茶，問伊講：「M 知有啥指教？」賴蔥袋 á tháu 開，théh hit 張鹿皮 hō 李算本看，倒旁 hit 半 thán 橫一 chōa 一 chōa 蕃 a 字看無。李算本搖頭：「這紅毛蕃 a 字掠 thán 橫，無人看有。」「啥人是紅毛蕃？」Hiàng 時外海來台灣 ê 蕃 á。」賴蔥心內想，ta"苦--a，我一 chōa 路來，結果伊也 m̄-bat 字。Tōh 是 tō-kún-a 字看--起來 lóng 全款，李算本 m̄ 知 he 是新港文，m̄ 是紅毛蕃 a 字。正旁 hit 半直直一 chōa 一 chōa 寫 kah 烏烏密密，tōh 是毛筆寫 ê 字，lóng 猶清楚認會出--來。一字一字 kā 讀：

立招耕字史椰甲社蕃金仔大萬成仔萬芳阿尾大萬等有承租應分水田伍丁生落土名在竿 X 林庄前東畔東至六 X 西至大字的田為界南至水溝為界北至水圳為界四至界址明白今因無力耕作托中引就與漢 m̄ 林后觀前來出面承耕當日憑中三面言議定時收過值債地佛面銀式百捌拾伍大員正銀即日全中田隨付銀主掌營耕作歷年配納大租粟壹拾石正到社交納給出租單存照自乾隆參拾伍年 XX 至乾隆伍拾伍年拾月終為滿至期 X 業主備契內磚地銀一齊送還銀主取出契字如是無 X 田依日付銀主再耕掌管不敢阻當保此田係是承租物業與社內蕃親人等無干亦無重張 X 以及交加來歷不明為礙如有不明等情芳萬全出首抵當不干銀主之事此係二比甘願各無反 X 憑立招耕字壹紙付執為 X

即日全中收過契內磚地佛面銀貳百捌拾伍元真正完足再 X

當日批明其田成仔該管參丁
金仔該管參丁 為中併知見 (印)
代筆 (印)

乾隆參拾伍貳月 日立招耕字史椰甲社蕃 金仔大萬
成仔萬芳
阿尾大萬

Tōh 是史椰甲社 khah 早 uì 蕭壘社分出來，hit 當年 bē 墓得外人入社侵佔土地，望安招耕 ê 地契。賴蔥聽 m̄ 知啥意思，李算本講：「這 tōh 是蕃 a 契。」「啥麼是蕃 a 契？」古早蕃 a 地 hō 人時寫 ê 契約。」「蕃 a 地 tī tō 位？」Tōh 是 hiang 時史椰甲社，tī chit-má 學甲莊社仔。」koh 講：「He 社 chit-má 無--a。」「Thài 會無--a？」李算本比 hit 張蕃 a 契講：「地 hō-- 人，社 tōh 無--去-a。」賴蔥想 beh koh 問，李算本講：「今 á 日暗--a，你 ta" tōa chia hioh 瞞。」(待續)

看阿仁漫畫學台語

pa-pa. sèng-tàn lé-mih,
gōa ng-bāng tit-tiōh chit-tāi én-ni lí ài kín
kòai-chhiú.....

爸爸。聖誕禮物，我向望
得着一台怪手.....

按呢你愛
緊祈禱 ah.

至聖的天父...

宇宙的主宰
聖誕老公公...

chì-sèng ê Thi"-pē...

ú-tiū ê chú-chái"

sing.tán. lâu. kong. kong...

漢羅不兩立 mah?

陳俊宏 Tân Chùn-hōng

目前 tī 提倡台語文 ê 陣容內面，kah-ná 存在有兩個相對立 a 陣營，一個是主張全用漢字 ê 「漢粹」；一個是主張全用羅馬字 ê 「羅粹」。

作家東方白有一 pái 提起一位教過伊高中國文 ê 老師余和貴，講伊「溫文爾雅與世無爭」，但是有一 pái 居然 tī 羣眾面前 phah 人，phah ê 對象竟然是一位主張中文羅馬拼音化 ê 建國中學同事《父子情》，頁 158, 159)。

漢語文有一項共同 ê 特色就是「一音一字」，tī 台語話內面除了各族原住民語以外，親像 Hō-ló 話、

客家話 lóng 是屬 tī 漢語系統。

Tī 《浪淘沙》 chit 本小說內面，東方白用伊本身語，Hō-ló 話來寫部分 ê 對話，tú-tiōh 「有空無樺」找無字 thang 用 ê 時，伊寧可家已造字也拒絕用羅馬字來拼音，可見是受到余老師 hit 種漢粹思維「漢羅不兩立」 ê 影響。不過，tī 松五郎 ê 故事內面，作者就 ko-put-chiog 採用無標任何聲調符號 ê 羅馬字，來記寫泰雅爾族一 kóa 生動單字 kap 語句。松五郎傳授 hō 江東蘭 hiah-ê 泰雅爾語，若也用漢字來表達，就 ná 親像是 teh 音譯外來語，英語抑日語全款(頁 1286-1288)。

關係羅馬字，《浪淘沙》著者有提起當年 tī 「淡水女學」所開 ê 聖經課程，講 chit 門課是加拿大宣教師金姑娘 (Jane Kinney)，用大家一學就會曉 a 台灣話羅馬拼音 ê 「白話字」來教 ê (頁 307)。

值得提起 ê 是，漢粹 hit 種「有音必有字」 ê 講法，tī 台語文寫作上來講 iau bē 有定論，但是對 hiah-ê 也會曉用羅馬字 ê 人來講，卻是絕對無問題。舉例來講，賴和 (1894-1943) tī 伊寫 ê 短篇小說處女作〈鬥鬧熱〉(《台灣民報》86 號，1926.1.1) 內面，用連續四字 ê 「快快快快」，來形容 hit 種 kóng kah 真緊 ê 鐸子，

kiam-chái 感覺 iau 有 kóa 無妥當，接續 tī chit 四字後面，koh 特別用括弧來註明「鑸的響聲，不知有什麼適當的字」(《賴和集》，頁 48)。

賴和若知影當時已經有 hit 種一學就會曉 ê 教會羅馬字，thang 來拼出正確 ê 銅鑸聲「khoái」，相信爲 tiōh 寫出 koh 較有聲有色 ê 作品，chit 位「台灣現代文學之父」 kiam-chái mā 樂意斟酌採用漢羅字來經營台語文 ê 寫作。

《浪淘沙》 ê 母語 (方言) 寫作方式 kap 風格，是一項值得品評 ê 台灣文學資產，tī chit 方面已經有陳明雄 (《浪淘沙》，頁 2051)、林俊育 (《太平洋時報》，2000.9.7)、歐宗智 (《台灣文學評論》，卷 2 期 3，頁 III)、顏敏政 (全前刊，卷 4 期 3，頁 261) 等幾位專家提出 in 高明 ê 見解。

相信東方白 tī 參考各家看法了後，雖然 m̄ 敢期待 tī 伊有生之年 koh 再寫出一部台文《紅樓夢》(全前刊，卷 2 期 4，頁 36)，但是推出全新面貌 ê 母語短篇，對伊來講 mā 是一項值得試簡單代誌，kiam-chái 一出冊上市，讀者就大聲喝「chán！」m̄-nā ánni，食好 koh tau 相報，也 m̄ 是無可能。

希望無久 ê 將來就 thang 訂出一套標準化 ê 漢羅台語文系統，hō ták 種母語作家 to lóng thang 來盡情作詩寫小說，進一步豐富 chit-ê 已經出現多元化發展趨勢 ê 台灣文學園地。

《荒漠甘泉台語詩》(4)

人 teh 做，天 teh chhiāu

陳清俊 Tân Chheng-chün 譯著

Bô chit hāng mih thang óa-khō,

無一項物 thang óa 靠，

Siōng-ióng ê siā" iā ū tō,

Siōng 勇 ê 城也會倒，

Chóng-sī, Siōng-tē iau teh thóng-lí,

總是，上帝 iau teh 統理，

Che sī lán sin-khō I ê sī.

這是咱信靠伊 ê 時。

Kiā" jin-seng ê lō-tēng,

行人生 ê 路程，

M-nā sī ēng bák-chiu, koh-khah sī khō sin-sim,

M-nā 是用目睭，koh-khah 是靠信心，

Àm-mo-mo, bô chit-tiám-á kng-teng,

暗 mo-mo, 無一點 á 光燈，

Sī lán sin-sim hoat-tián ê khak-jīm.

是咱信心發展 ê 確認。

棋子

For-Khahkhuh

台灣，是棋子

行棋 ê

是中國 kap 美國

台灣

是紅軍

Mā是烏將

中國講

台灣是中國 ê 一部分

若想 beh 獨立，tōh phah

美國講

認知「一中」，維持現狀

中國，bē-sái 武力犯台

有棋子

行棋 ê 人，chiah 有 thang sīng

中國，kám 正經 beh 食台灣

美國，kám 正經 beh 保台灣

台灣，是棋子

若死棋

中國 kap 美國，tōh 無 thang sīng lah.

台語五言詩—顏敏政 Gân Bîn-chéng

Han-chî bô tîng té

蕃薯無長短

Han-chî bô tîng té,
Chò-lâng bián kâng té.
Hó chíu tím àng té,
Lâu-lái lóng hóng-té.

蕃薯無長短，

做人免 kâng té。

好酒沈底，

老來 lóng 皇帝。

陳文成教授紀念基金會


各位同鄉：

陳文成教授紀念基金會自一九八一年成立以來，在熱愛台灣，關心陳文成事件的同鄉支持下，一直不遺餘力的為台灣的民主，人權在打拚。二十外年來，本基金會每年在美國和台灣頒發五至七名的獎學金，一方面肯定得獎學生們的努力和成就，一方面也鼓舞了更多的台灣學子來關心台灣。二十外年來，本基金會曾發行《台灣文化》雜誌，舉辦週年紀念會，贊助台灣人作家寫作，邀請台灣作家，文化工作者訪美，舉辦紀念音樂會，舉辦台灣藝術花展，協辦二二八劇展《未完成的夢》及各式各樣的文化及政治活動。並長期支持《台灣公報》(Taiwan Communique, <http://tawandc.org>)，《台灣學生》(台灣學生社 Taiwanese Collegian, <http://tc.formosa.org>)和 ITASA (<http://itasa.org>)。

近年起我們除了固定的獎學金外，更在陳文成生前執教的 Carnegie Mellon University 設立一個紀念陳文成的獎學金。自 2001 年起島內的台美文化交流基金會也在我們美國的同鄉鼓勵下獲得正名為陳文成教授紀念基金會。

本基金會地址：Dr. Mark R. L. Kao, CWC MF

P. O. Box 6223, Lawrenceville, N.J. 08648



請踴躍投稿 e-mail: chuniok@lomaji.com

